

Ոչ միայն 1820-ական թթ., այլև այն ժամանակ, երբ Թուրքմենշայի դաշ-  
 ևագրության զորութեամբ Երևանի և Նախիջևանի խանութիւնները 1828 թ.  
 միացվեցին Ռուսաստանի հետ, մեծ նշանակութիւն էր տրվում Շուշուց Գո-  
 րիսով-Քոնակոթով, Սիսիան (Բիշանաղ) և ապա դեպի Նախիջևան տանող ճա-  
 նապարհին, որը ճանաչված է իբրև Թիֆլիսից դեպի Թավրիզ տանող ամենա-  
 կարճը: Այս ճանապարհը գլուրացնելով առևտուրը երկու պետութիւնների  
 միջև, նաև «այն հարմարութիւնն էր ներկայացնում, որ Շուշում տեղավորված  
 զորամասերը հնարավորութիւն կունենան խոտով իրենց ապահովել Ջանգե-  
 ղուրի մահալում, որտեղ ընդարձակ խօտհարհէր են և կլիման առողջ է<sup>11</sup>»:  
 Այդ ուղին բազմամարդացնելը ոռոսական քաղաքականութեան հերթական  
 խնդիրներից մեկն էր դառնում:

Թե ինչ լիազորութիւններով և պարտականութիւններով էին օժտված մա-  
 հալական մելիքները, հատկապես Ջանգեղուրում, այդ հարցին պատասխանե-  
 լու համար առանձին աղբյուրներ չունենք. դրա մասին մի հասկացողութիւն  
 կարող է տալ այն կարգը, որը գոյութիւն ունեւր Երևանի և Նախիջևանի խա-  
 նութիւնների մեջ և բավական հանգամանորեն նկարագրված է Շոպանի նշա-  
 նավոր աշխատութեան մեջ, որը նվիրված է այդ նոր նվաճված երկրների տըն-  
 տեսական, հասարակական, քաղաքական կացութեանը ոռոսական տիրապե-  
 տութեան հաստատման միջոցին<sup>12</sup>: Մահալական մելիքը պիտի՝

1. Առանձին գլուղերի միջև բաշխեր այն պարտավորութիւնները՝ դրա-  
 մական և աշխատանքային, որի շափը որոշում էր խանը ամբողջ մահալի հա-  
 մար:

2. Հարկադրեր բնակիչներին կանոնավոր վճարել տուրքերը:

3. Պաշտպաններ մահալը ամեն արտաքին հարձակումից:

4. Քններ գլուղերի և առանձին բնակիչների միջև ծագող վեճերը և պաշ-  
 տոնատար անձանց դեմ հարուցած մեղադրանքները:

5. Ի կատար ածեր դատական վճիռները:

6. Որոններ, ձերբակալեր և համապատասխան դատի հանձներ ավազակ-  
 ներին և հասարակական ապահովութիւնը վտանգող հանցագործներին և  
 այլն<sup>13</sup>: Այս պարտականութիւններից մի քանիսը անցնում էին կալվածատի-  
 րական կամ բեկերի կառավարութեանը շնորհիւ՛ած գլուղերում այդ գլուղերի  
 կալվածատերերին կամ կառավարող բեկերին: Գլուղերում վարչական կազ-  
 մակերպութիւնը ներկայացված էր ֆօլիվանէրով, ֆէթխուղանէրով կամ գլու-  
 ղական մելիքներով, որոնց սովորաբար կարգում էր կամ մահալական մելի-  
 քը, կալվածատերը կամ տեղական մասնավոր մելիքը: Գլուղական տանուաւե-  
 անէրի պաշտոնը հաճախ անցնում էր ժառանգաբար:

Խանական պաշտոնյաններից ոչ ոք չէր ստանում վարձատրութիւն, այլ  
 ուներ առանձին եկամուտներ, որոնք գոյանում էին տուրքերի միջոցով, որ  
 բազմազան անունների տակ վճարում էր գլուղացին: Մոգիլակու և Երմուրով  
 շ-րդի զեկուցագրի մեջ մեկ-մեկ բերված է այդ տուրքերի ընդարձակ ցանկը:  
 Նրանցից մեծագույն մասը ընկնում էր զլխավորապես նստակցաց գլուղերի

<sup>11</sup> «Обозрение российских владений за Кавказом», т. 111, էջ 266.

<sup>12</sup> Шопен. *Ив. Ив.*, Исторический памятник состояния Армянской области во время  
 присоединения ее к России, стр. 986 и сл. Ср. «Обозр. рос. влад. за Кавказом», т. II,  
 էջ 354 և հաջորդ:

<sup>13</sup> Հմմտ. *Иваненко В. Н.*, Гражданское управление Закавказьем, էջ 138.